




**NA SIH
NUNG CIANG
KOI-AH NA
PAI DING
HIAM?**

**A THUPI PENPEN
THU A SIM DING
NA HI HI**

THUDIK: A Sawtlo in Na Nuntakna Beipah diing hi.

©2015 Richard Fulton



Khuasung kici khempeuh ah hanmun om ciat hi, tua- in bang hong gen nuam hiam icih leh **na nuntakna hong bei pah diing hi**. Na kigung kholta hiam? Na sih khit ciangin bang thu hong piang diing hiam?



Mi pawlkhatte gen bangin Pasian omlo hi leh...

*Tua dan hileh nang pen kum Billion 13.8
laipek aa puakkhampi (Big Bang)
sungpanin a piangkhia na hi diing hi:*



1. Hanmun na tunkhit ciangin lametna omlo diing hi.
2. Pilna le sum zong in, lawmngaih nei in, innkuan na bawl diing a, lawhcinc in, tua ciangin teekgawp in, damlo in, **na si diing hi** – na-it na-ngaih khempeuh na nusia diing hi.
3. Thaman le gawtna cih bang na mu kei diing a: khatna nei loin na nuntakna bei diing hi; Pasian omlo hi leh.

HI THU PEN ADIK MAH HIAM? PASIAN KICI OMLO MAH HIAM?



Gentehna in mikhat in a car baang kigiit mu hi...

*Koi panin,
kua in
hong giit
sak hi
diing
hiam?*



*Bangci dan
in hi mipa'
car ah a
kigiit
omthei
mawk ahi
hiam?*

Hih car tung-a kigiit koi pan hi diing hiam cih na gen thei diing hiam? A kigiitna pen laimai kik-ah na en in. ----->

Hih car tungah a kigiit hong koici om hiam?

*A Car
bang ci
hiam?*

*Limtak
en dih
in...*



*Singkung
puk in
dengkha
maw?*

*A kigiitte
hong
mawk om
ahi hiam?*

Hilo hi! A kigiit cih ciangin, tupmawng a kihih ahi cih hong theisak pah hi. Banghang in? Ahang pen geelna hoihtak tawh kigiit ahih manin lungtangpilna le khiatna om hi cih hong musak hi.

Tu-in geelsiamna tawh kibawl na mit tawh tehkak in!

Thumaantakin en

leteh khensatna

khat na nei ding hi:

Lawm aw apiang


mawkmawk na hikei

hi – **kuahiam**

khatin deihna

nei-a ong bawl

nahi hi!



Lai Siangtho in hi dan in gen hi: “*Bang hang hiam cih leh ka pumpi na khempeuh na piangsak a, ka nu' gil sungah keimah nong khuituah hi.*” Late 139:13

Tua ahih manin, geelsiamna tawh amau dan ciat-a kihei diamdiam a bawlsa naate le khuahunte hangin Pasian kinial zolo hi.



Our Solar System

Pasian in leitung a pian' sak ciil-a kipanin...Pasian ahihna thute ama bawlsa naate tung panin tel takin hong kilangh hi. Tua ahih manin, "Thei kei ing," ci-in paulap a zon' theihna diinq uh om lo hi. Rom 1:20

Pasian khat OM ahih manin (teltak in i mu hi)...

“Big Bang”, themneng pan-a piang ihi kei hi, hong it, a vanglian penpen Pasian in deihna nei in hong bawl ihi hi:

1. Hankhuk sung khit ciangin zongh lametna om lai hi!
2. Tawngtung Nuntakna diing lametna om hi!
3. Pasian in nang tungah thu hong khen diing hi!

Tu-in, *lametna cingtaak na neih theihna diing, na kisappi pen na ngah nading le na sih khit ciang Pasian kiang na pai theih nading in **Pasian thutak** hong hilh ding hi ing.* Hehpihna tawh na simsuaik lai in? Na tawntung nuntakna ding patauhhuai hi sanggam, khatvei khialhna tawh tawntung nuntakna taanlawh ding cih pen ngaihsut ngam huai lo hi!

Pasian in mihingte' tungah thu genkhin zo hi

Hih leitung pen **mihingte'**
ngaisutna tawh a kibawltawm
biakna tamna mun ahi hi. Teltak in
en ni, Pasian thu i theihna diing
lampi khat bek om-a, tua in Pasian
mahmah kiang pan hopihna ahi hi.

Tua ahih manin mihingte thu
bawltawm i up diing hilo a, iki
ngakhtheihna ding Pasian piak
(Pasian lamlahna tawh hopihna) a
kigelh ih neih kisam hi.


Lai Siangtho pen
Pasian lamlahna
tawh a hong kipia
ahi hi.

II Timoti 3:16

Pasian in mihingte' tungah thu genkhin zo hi

Jewish mite' **Lai Siangtho**,
(Torah, Tawrat,
Thu Ciamlui, etc.
aki ci) pen atak tak Pasian hong
piak Laibu kici hi
(Pasian lamlahna
tawh aki bawl hi).

Hih anuai a biakna dang laibute zong
Jewishte' Lai Siangtho pan piang ahi hi.*



*Hinduism pen upna tuamtuan kikaikhawm ahih manin kila lo

Laibu khat pan – Biakna tampi

A gennop in “Pasian”
tawh kisai biakna a
tamzawte hong
piankhiatna pen laibu
khat ahi hi: Jewish Lai
Siantho (Thu Ciamlui).



- ✓ Christianity
- ✓ Judaism
- ✓ Catholicism
- ✓ Muslim (Islam)
- ✓ Mormonism
- ✓ Jehovah’s Witness

A buaihuai khat pen, hih biakna tuamtuan te in *laibu khat pan* piangkhia acih hangun a thuhilhte uh kibang lo hi. Tua hi-a, A DIK PEN biakna i koici theih ding hiam? Pasian in ong piak ngiat Thu Ciamlui tungtawn in thudik kithei khia hi!

Thu Ciamlui theihtelna diing Tawhtang

***Thu Ciamlui theihtelna in Pasian
thu taktak, nuntakna le sihna
theihcianna tawhtang ahi hi***



A poimawh mahmah thuhilhna **6te** en ni:

Khatna: A kipat ciilin Pasian in nakhempeuh ahoih in bawl hi. Pasian in mikhat bawl a (Adam), tua mipa a kipan in mikhempeuh piang hi. Pasian in tua mipa it mahmah hi.

***Pasian in a bawsate khempeuh en a, hoih sa mahmah
hi. Pianciilna 1:31***

Thu Ciamlui Hilhcianna...

NIHNA: Adam haigamtat kha ahih manin *Pasian thuneihna nial* kha hi, Pasian deihna nial in *ama deihna* tawh gamta hi. Adam khialhna (mawhna) hangin, Pasian in Adam piankhiatna leitangh a hamsiat hi, tua-in mihingte tungah sihna hong tun hi. Tu-in, mihingte khempeuh a mawhkhinsa in Adam panin hong piangkhia ahih manin, eite khempeuh pen (Adam bangin) i mawhkhin a, tua ahih manin mihingte khempeuh pen a si diing ihi hi.

Nangma hangin leitang in samsiatna ngah hi...nang in leivui nahih manin, leivui mah na suak kik diing hi. Pianciilna 3:17-19


Thu Ciamlui Hilhcianna

THUMNA: Pasian pen hoihkim hi (Siangtho), tuamah bangin Amah tawh a kituaklo naate tawh amah kipawl theilo hi. Mihingte in sia le pha a theihna dingun Pasian in thupiak pia hi. Thu tampite lak ah, thupiak thupite hiteng ahi hi:

- | | |
|---|--|
| <ol style="list-style-type: none">1. Pasian longal pasian dang bia lo diing.2. Milim bia lo diing.3. Pasian mindai saklo diing.4. Pasian biakpiakni Nipini Siangtho sak diing.5. Pasian hong piak Nu le Pa zahtak in pahtawi diing. | <ol style="list-style-type: none">6. Mite siatna diing bawl lo in tualthat lo diing.7. Nu-le-pa mawhna bawl lo in angkawm lo diing.8. Gu lo diing.9. Thudik gen diing.10. Na neihsa tawh lungkim diing, mi eng lo diing. |
|---|--|

Thu Ciamlui Hilhcianna...


LINA: Pasian in ama hong piak a *siangtho thupiakte tawh* hong tawikhai ciangin, *i gamtatnate* in cin zolo hi.



...Tawikhaina tawh nang a hong kitawi khai a, na leek zo kei hi. Daniel 5:27

Thu Ciamlui Hilhcianna...

NGANA: Mawh neimi khempeuh tungah (tawikhaina sungah a cing zolo ahih manin) Pasian in thukhenna pia diing hi.



Mi khempeuh keima aa hi a...a mawh mipa bek si diing hi.

Ezekiel 18:4

Thu Ciamlui Hilhcianna...

GUKNA: Mimawh iihh lai nangon in, Pasian in hong it lai ahih manin, eite aa ding lampi hong bawlsak a : Ni khatni ciangin “GUMPA” khat hong sawl diing cih hong kamciam hi, i mawhna khempeuh lakhia zo ding, sihna tungah qualzo ding, le Pasian tawh kizopna hong bawl hoihksak kik diing cih ahi hi!

Hih Gumpa thu pen,
Thu Ciamlui sungah
na kigenkhol khin
hi...

Kote nong lainat kik diing a, ka mawhnate uh ong sawpkhiat sakin, tuipi taw-ah nong paihsak diing hi.

Micah 7:19

Thu Ciamlui Hilhcianna...

712 BC hun laipek panin, Thu Ciamlui in hih gumpa pen i mawhnate hong lakkhiat sak diing, i mawhnate ama tungah kisuan diing le eite' thuak taang-a hong thuak diingin cih gen khin zo hi.

Topa in eite khempeuh' mawhnate ama tungah a suan hi.

Isaiah 53:6



Mawhna



Gumpa

***...a mawh mipa
bek si diing hi.***

Ezekiel 18:4

Thu Ciamlui Hilhcianna...

Hong it Gumpa eite taangin hong si hi, Ahih hangin Amah pen mawh neilo ahi hi. Amah in Pasian thupiak khempeuh zui in, eite' taangin i mawhna thaman hong piaksak diing cih Pasian in nagen zo hi.



Amah in mawhna bawllo...napi-in...mi tampi tak a dik a suaksak diing a, amah in amaute' mawhnate pua diing hi. Isaiah 53:9-11

Thu Ciamlui Hilhcianna...

Pasian in hong kamciam
Gumpa hong paima sung le
mihingte mawhna ama tungah
aki suat mateng, mihingte
mawhna **ganhing** tungah
koihin tua tawh kithoih diingin
Pasian in sawl hi.



*Aron in keel hing lutangah a khutte gel nga-in, Israel
mite mawhna...khialhnate khempeuh, keel tungah
pulak diing hi.* Siampi Laibu 16:21

Thu Ciamlui Hilhcianna...

Mihingte mawhna pen
mawh neilo ganhingte'
tungah alimlahna in
kipuasak in, gtn. tuu le
keelte, mawhkhushak in
kithoihna in kigo a,
tuate pen mawhneite
taangin si uh hi.




*...pumpi nuntakna pen si sungah om hi...kilemna bawlna
diingin note' adiingin biakna tau tungah tua si ka pia zo hi.*

Siampi Laibu 17:11

Thu Ciamlui Hilhcianna...

Tua mawhneilo ganhingte
kithoihna pen Pasian in
mihingte mawhna **kithoihna**
in sansak hi. Tua mawhneilo
ganhing kithoihna hangin
mawhnei mihindte pen
mawhneilo bangin Pasian in
hong mu hi.



...ama adiingin kilemna bawlna diingin kisang ding hi.

Siampi Laibu 1:4

Thu Ciamlui Hilhcianna...

Hih **ganhing** hong sihna
pen mihingte aa diingin
Batlak kithoihnna tawh
kibang hi. Mawhneilo
ganhing sihna pen
mawhneilo **Gumpa** hong
sih matan, mihingte'
mawh kithoihnna a **kipia**
dan in Pasian in hong
sansak hi.

GANHING =

BATLAK
(A Lim)

GUMPA =

PIAZO
(Taktak)

*Tua hi a, bawngtal si leh keel si in
mawhna siangsak zo ngei lo hi.*

Hebru 10:4

Ahih leh hih gumpa kua hi diing hiam?

Eite lak ah kua ta in Pasian thupiakte zuikim zo diing ahi hiam?

Ih mawhnate khempeuh pua in ei tanghin hong si ngam ding kua om diing hiam?

PASIAN OM HI! Tawntung
Pasian pen mihing bangin hong piang diing a, eite taangin
mawhneilo in hong nunqta in, ei
mawhneite' sihna diing mun ah
mawhnei bangin hong si diing hi!

Eite adiingin naungek khat hong suak a, eite tungah tapa khat hong kipia diing a, ama min pen, "Lamdang Thulakpa, Vanglian Pasian, Tawntung Pa, Nopsakna Kumpi," kici diing hi. Isaiah 9:6

Thu Ciamlui Hilhcianna...

Thu Ciamlui hun abei kuan in (430 BC), Pasian in hi dan in gen hi, kamciamsa gumpa hong paima-in, leitungmite aki ginkholh theina diingin, ka kamtaipa ka sawl masa diing hi.

***Ka paina diing lampi a bawl khol diingin ka kamtaipa ka
sawl diing hi:*** Malakhi 3:1

**Leitung mihingte in hong pai ding Gumpa a ngaak laitak
un a Kamtaipa Johan hong pai masa hi** 

TUA CIANGIN GUMPA HONG PAI HI!

Kum 400 khit ciang, a lamdangtakin Gumpa pen Pasian Kha Siangtho nasepna tawh nungak siangtho Mary in hong paii hi.

Gumpa hong pian diing pen Leitung khempeuh ah kitangko in Thu Ciamthak sungah zongh kigelh hi.

Amah in tapa khat hong nei diing a, tua tapa in ama mite a mawhna uh panin gumkhia diing ahih manin ama min diingin ZEISU na phuak diing hi. (Matthai 1:21)

Vantungmi in, "Laukei un... Mi khempeuh a lungdam sak diing thu thak khat ka hong puak hi... Tu ni-in David' khuapi sungah, note a hong Gumkhia diing Khris Topa a suak hi. (Luka 2:10-11)

Kamtaipa – Tuiphum Johan

Tuiphumpa Johan
(Pasian' sawl) pen
Zeisu hong pai ma-in
Pasian in mawhna
hangin gawtna hong
tung diing hi cih le
Pasian mawhmaisakna
a deih mite kiangah,
gumpa hong paipah
ding hi cih a gen khol
ahi hi.

Johan in, Thu Ciamlui-a ganhing
kithoihnate pen gumpa hong sihna
diing **lim lahna** hi-a, ganhing
kithoihnna mah bangin, ama' sihna
pen mawhna kithoihnna taktak hong
hita diing hi cih hona hilhcian hi.

*A zing ciangin Johan in... Zeisu
hong pai a muh ciangin, "En un,
leitung mawhna a la khia diing
Pasian Tuuno... a ci hi!"* Johan 1:29

Bang hangin Thu Ciamlui le Thu Ciamthak?

“Thuciamna” pen mihing khat a sih cingin ki piakhia ahi hi. Tua ahiah manin, deihna khat aki bawl ciangin, hi danin kici hi:

“Hih pen ka deihna le ka **Thuciamna** ahi hi.”

THU CIAMLUI: Mawhmaina pen ganhing sihna tawh aki lei ahi hi.

...banghang hiam cih leh pumpi nuntakna pen si sungah om hi. Siampi Laibu 17:11

THU CIAMTHAK: Mawhmaisakna leibat pen Zeisu hong sihna hangin a vekpi in ki piazo hi. Zeisu in hi danin gen hi, “**...note' adiingin a luangkhia, Pasian' thuciamna thak a kipsak ka sisan ahi hi.**” Luka 22:20

MAWH NEILO ZEISU EITE TAANG IN HONG SI HI

Zeisu pen mihingte' **munluah** dingin hong **piang** ahi hi.
Ganhingte nuntakna in *mihingte* mun luah zolo hi, ahih
hangin ZEISU, **mihing bangin ong piang a**, eite taangin
Pasian thupiak khempeuh a zuizo dingin hong nungta hi.

Lai Siangtho in Zeisu thu hi bangin gen hi "**...eite mah
bangin ze-etna khempeuh a thuak hi, ahi zonghin
mawhna bawl lo hi.**" Hebru 4:15

ZEISU HI DAN IN HONG NUNGTZ AHIH MANIN...
Ama nuntakna hangin nang hamphatna ngah thei nahi hi!

MAWH NEILO ZEISU EITE TAANG IN HONG SI HI

Zeisu pen **eite taangin hong si hi**. *Ganhingte'* sihna in *mihingte'* a mawhna uh pan a tawntung in gumkhia zo lo a, ahih hangin ZEISU, **mihing ahinhna tawh**, **eite' tanghin mawhna thaman kisuan in hong si in tawntung gupna hong pia hi.**

Lai Siangtho in hi bangin gen hi Pasian in leitung mite it lua ahih manin "...eite mawhna nei iihh laitak in eite adiingin Kris hong si hi." Rom 5:8

ZEISU HI BANG-A HONG SIHNA IN...

Nang sihna ding mun ah amah hong si hi!

ZEISU KIPAMPAIH IN, MAWHNA KHEMPEUH PUA ZO HI

Mi bangzah hiam te'n um in na sangthei uh hi, ahih hangin mi tamzawte in Zeisu na nial uh a, amah mawhsak in Romante kithah dan in singlamteh tungah na khailum uh hi.


*...ama kikhaina ding singlamteh mah pua sakin Hebrew
pau-in Golgotha a kici Lutang Guh mual-ah...Zeisu a
kikhai hi. Johan 19:17-18*

Zeisu aki pampaihna ding Thu Ciamlui in nagen khol hi:

Amah pen mite in simmawh in pampaih uh hi ... Isaiah 53:3

ZEISU SINGLAMTEH TUNGAH SI ZO HI

Ahih hangin, Pasian in hong kamciam bangin **Singlamteh tungah Zeisu sihna** pen i mawhmaisakna dingin zangh hi!



...midik i suah theihna dingin mawhna a nei lo Khris pen eite taangdingin Pasian in mawhnei mi a suaksak hi.

2 Korin 5:21

ZEISU SINGLAMTEH TUNGAH SI ZO HI

Zeisu singlamteh tungah
hong sihna in i gupkhiatna
bulpi ahi hi, banghang hiam
cihleh tua-in Pasian thupiak
tawitehna hong kikim sak hi.



Amah in Pasian thupiak zui-in, i mawhna thaman hangin hong si in,
Zeisu in Pasian thupiak deihna khempeuh bucing sak hi: Amah in
thupiak khalna khempeuh zozo a – *Sihna*, tua ciangin Pasian'
kamciamna thu-mang hi – “***Na Topa Pasian na lungsim khempeuh,***
na nuntakna khempeuh, na hatna khempeuh, le na pilna khempeuh
tawh na it in.” Luka 10:27

ZEISU KIVUI IN THOKIK ZO HI

Zeisu a sih khit ciangin, amah zongh (eimah bangin) kivui hi.
Ahih hang, ni thum khit ciangin, ei' taangin sihna tungah qualzo ding le sihna hankhuk pan lametna ong pia dingin **thokik zo hi!**



*“Hih lai-ah om
lo hi;*

*kithosak zo
hi...”*

(Luka 24:6)

*...peengkul hong gin ciangin misite si thei nawn lo dingin hong
tho ding a, i vekpi-in i kikhel ding hi.* 1 Korin 15:52

ZEISU HONG PAIKIK PAH DING HI

Zeisu pen ni khatni ciangin leitung thu khen dingin hong paikik ding hi. Tu-in tua thukhenna a thuak ut lo mite in Pasian maingat in a tapa Zeisu sang dingin hong sap laitak ahi hi.

Lai Siangtho sungah Pasian in hi danin gen hi:

...tu-in mun khempeuh-a om mi khempeuhete a gamtat siatna panun a kiheina diingin thu a hong pia khin zo hi. Amah in leitung mi khempeuh... thu khensatna diing ni a sekhhol khin zo hi. Tua thu dik taktak hi, ci-in mi khempeuh tungah a hong lahna dingin sihna panin a teel mipa a hingkik sak zo hi.

Sawltak 17:30-31

LEITUNG BIAKNATE LE ZEISU GUPNA

Leitung biakna khempeuh
in a kibang khat nei uh hi:
Koici hiam khatin
tawikhaina tawh nang hong
teh ding uh hi:



Ahih hangin **Gospel** in
(Lungdamna Thu) hi danin
gen hi:a tapa **Zeisu** hangin
Pasian in hong san theihna
diing in Singlamteh in lam
hong bawlsak khin zo hi.



NA TUNGAH BANG DAN IN THU HONG KIKHEN DING HIAM?

Na Mawhna sung?

AHIH

KEI

LEH

Kris' Dikna sungah?



KHENSATNA NANG TUNGAH KINGA HI

ZEISU' GUPKHIATNA PEN MAN NEILO-A HONG PIAK AHI HI

Zeisu' hong zawhsak Gupna pen a **Manbei in hong piak ahi.**

*...mawhna in thaman hong piak pen sihna hi a, ahi zonghin i
Topa Zeisu Kris tawh i kipawl manin Pasian hong piak pen
nuntak tawntungna ahi hi.* Rom 6:23

Gupna pen sepzawhna tawh lei zawh diing hi lo hi; eima hatna tawh a kingah thei zongh hilo hi. Singlamteh pen ei' nasep hilo in Zeisu nasep ahi hi.

*Note' upna hangin Pasian' hong hehpihna tawh gupkhiatna a ngah na
hi uh hi...note thalawh hi lo...Pasian in mannei lo a hong piak hi a...
kisaktheihpih ding thu om lo hi.* Efesa 2:8-9

PASIAN HONG PIAK GUPNA NA NGAH NUAM HIAM?

Na mawhnate maisakna ding le amah tawh i kizopna a hoikhik theihna dingin Pasian in ZEISU hong pia khin hi.

ZEISU na Topa diing le na Gumpa diingin tuni in na sang ut hiam? Na mawhnate pulak in, singlamteh tunga Zeisu in nanga diingin naa hong sepsak khin zo hi, na um ngam (na muang ngam) hiam? Zeisu hong zawsakna tawh, nang tungah Pasian in thu hong khen diing na ut hiam?

Pasian in leitung mite hong it mahmah ahih manin ama Tapa a um mi khempeuh si nawn loin a hin' tawntung theihna diingin a Tapa neisun a hong piak donghin a hong itna a hong lak hi. Johan 3:16

ZEISU NA NIAL LEH BANG CI DING?

Kician lua hi, **Zeisu** na nial leh, Pasian in **nang** hong nial ding hi. Na mawhna tawh si in, Hell meilipi sungah a tawntungin na om ding hi.

Lai Siangtho in ci hi, Zeisu' Thukhenna Ni hong tun
ciangin

*...ama ukna sungah a om migilote le mi a mawhna ding a
bawl mi khempeuh kaikhawmin, meikhukpi sungah tau bang
mite lawn diing uh a...amaute kap in hagawi diing uh hi.*

Matthai 13:41-42

TEEL DING PEN NA THEITA HI

ZEISU gupna tungah a kinga mi khempeuh pen Pasian' mawhsak -thukhenna thuakkha lo diing uh-a, tua gupkhiatna a um lo mi khempeuh mawhsak-thukhenna a thuak ding uh hi.

***Amah a um mite in mawhsak-thukhenna thuak lo
diing uh hi. Amah a umlote pen Pasian' Tapa neihsun
a um lo uh ahih manin mawhsakna thukhenna a thuak
khinta ahi uh hi.*** Johan 3:18

TU-IN KOI PEN NA TEEL HIAM?

Na mawhna in Pasian tawh hong kikhensak hi, ahih hangin Pasian in hong it mahmah hi. Zeisu in nang aa diingin a nuntakna ong pia hi. Na mawhnate a lian mahmah zonghin, ama Tapa' hong gupkhiatna na up leh, tu-in Pasian in hong maisak nuam hi...na hihna bangin hong sang nuam hi.

Tu-in Zeisu hong gupkhiatna na sang nuam hiam?

*Tua ahih manin a thupi mahmah hih gupkhiatna thudon
loin i om leh suahtakna om thei ngei lo ding hi?*

Hebru 2:3

HONG PANPIH NUAM UNG!

Pasian in a manbei-a hong piak a thupi mahmah gupna na ngahta hiam? Lai Siangtho a um Biakinn ah na pai theih diing, Pasian thutak hoihtak na sin theihna diing le thu-um mite tawh hoihtak na khantoh ding hong deihsak ung. Ko biakpiakna ah nong kikhop theih leh lungdam...! Zeisu gumpa in na sankhit a, thu theihbeh nuam na neih leh, nang kiangpan thu za nuam ung!

Pastor Kham Sian Lal
Green Hill Church,
Hennur Bande, Bangalore
Phone: 994-532-8458

Gupna kician lo maw? khamsianlal@gmail.com

Hih laibu na deihbeh leh: khamsianlal@gmail.com

Hih laibuneu na sim sung minute 30 bek la
dinga; gupkhiatna na taan leh abei ngeilo
tawntung gawtna na thuak ding hi.

Tawntung nuntakna na ngahna dingin minute
30 bek na hun na pia ding hiam?

*Mi khat peuh in hih leitangh khempeuh a
ngah hangin a nuntakna Kha suplawh leh
bang phattuamna om ahi hiam? Marka 8:36*